

## Polar Portal-ip Ukiup ilaagut nalunaarusiq 2015

2015-imi Sermersuup naliginnaasumik qaavata aakkiautornera annertunerusimavoq, naak aasaleeqqaarnera nillerlunilu aputeqagaatsiarsimagaluartoq, aakkiautortarneralut kingusinnerusumik aallartissimagaluartoq. Kalaallit Nunaanni aasaq nillernerusutut oqaatigineqarsinnaavoq, taamaattorli avannaani avannaatalu kitaani juuli-mi qaffasissumik kiassimalluni. 2015-mi Issittup sikua 1979-mili siammasissusaa appasinnerpaat sisamaattut inissisimasimavoq.

Issittumi 2015-mi nakkutilliilluni uuttortaanerit pingarnerit tassaapput:

- 1991-mi aatsaat taama kingusitsigisukkut aakkiautorneraup aallartinnerra
- Sermersuup qaava immap qaffasissusaanik 0,5 mm-ip missaanik qaffariartitsisimavoq
- Sermersuup qaavata oqimaaqtigiinera piffissami 1991-2013-mi agguaqatigiisillugu inissisimanernit appasinneruvvoq
- Sermersuarmi seqernup qinngornerisa utertinneqarnerani uuttuinerit juuni-aggustimi 2000-2009-mi agguaqatigiisillugu inissisimanerinit qaffasinneruvvoq
- Sermersuit iigartartut 1999-2010-mi agguaqatigiisillugu milleriaatigisartagaannit annikinnerusumik milleriaateqarsimasoq
- Immap sikua saannerulersimavoq 1979-imili siammasissusaa appasinnerpaat sisamaattut inissisimasimavoq

### **1991-mili aatsaat taama kingusitsigisukkut aakkiautorneq aallartissimavoq**

Sermersuup qaavata aakkiautornera 2015-mi naliginnaasumit annertunerusimavoq, naak aakkiautornera aallartinnerra kingusinnerusimangaluartoq taamaasillunilu aamma sivikinnerusimalluni. Aakkiautornera taamaasilluni aatsaat juunip 12-aní aallartissimavoq, 1991-mili uuttuisarneq aallartinneqarmalli aatsaat taama kingusitsigisukkut aallartiffuovoq. Aakkiautorneraup aallartittarnera nikerarsimavoq piffissami 29. Apiili 1996-mi siusitsigaluni taavalu ukioq manna taama kingusitsigaluni. Taamaakkaluartorli piffissaq 2015-mi sivikkaluamik aakkiautorfiusimasoq, juulip ingerlanerani annertugaatsiarsimanera peqqutaalluni, aassimanera pisarnermit annertunerusimavoq. Taamaasilluni kingusissumik aakkiautorneraup aallartinnerani sermersuullu qaavata aassimasup annertussusaa imminut attuumassuteqarnera qularnaatsumik oqaatigineqarsinnaanngilaq.

Kalaallit Nunaata annersaani issigaatsiarsimanera aammalu aputeqagaatsiarsimanera taama aakkiautorneraup kingusitsigisumik aallartissimanera nassuiarneqarsinnaavoq. Killormulli Siberia-mi aamma Alaska-mi upernaap ingerlanerani kiassuseq assut qaffasissimavoq, allaat Qalasersuarmi apriil-imí "kiassuuarsimalluni".

Aakkiautorneq sivikissimavoq agusti-p naanerani unilluni, taamaasilluni ukiup ilaa naggaserneqarsimavoq pueqqumik. Ulloq 27. agusti taamaasilluni DMI-ip Summit-imí uuttuisarfiani aatsaat taama nillertiginerani uuttuisoqarsimalluni, tassani -39,6°C-nik nillertigisimavoq. Aatsaat taama appasitsigisumik agustip qaammataani uuttuisoqarsimavoq. Siusinnerusukkut agustimi rikoortiliisimaneq 2004-meeroq, tassani -39,2°C-mik nillertigisimalluni.

GEUS-mi suliniummut PROMICE (Programme for Monitoring of the Greenland Ice Sheet) atatillugu kiassutsit allallu silap pissusai uuttorneqartarpuit, uuttuisarfiit Sermersuup sinaaniittut atorlugit. Piffissami januaari-miit aggusti-mut uuttuisarfiit qaammammut agguaqatigiisillugu inissisimaneri 2007-mili agguaqatigiisillugu aatsaat taama appasitsigisutut inissisimasimapput – ikittuinnaallu agguaqatigiisillugu inissisimaneriniit qaffasinnerugaatsiarsimallutik. Aasaanerani juuni-aggusti-mi avannaani avannaatalu kitaani kissagaatsiarsimavoq, juuli-milu uuttuisarfiit Kronprins Christian Land (KPC i Takussutissiaq 2. a), Pituffik (THU) aamma Upernivik (UPE) eqqaani rikoortiliisimallutik. Taamaakkaluartorli ukiuunerani, upernaap aamma aasap ingerlanerani Sermersuup qaavata kujataatungaani nillersimalluni. Taamatut pissuseqarnera sermersuup qaavata oqimaaqatigiinnerata aammal Sermersuarmi seqerngup qinngornerata utertinnejartarnerata ataani nassuiardeqarpoq.


## **Sermersuup qaava immap qaffasissusaanik 0,5 mm missaanik qaffariaartitsisimavoq**

Sermersuup agguaqatigiisillugu annertussusianik piffissami aggusti 2014-miit aggusti 2015-p tungaanut 176 Gt-imik annikilleriaateqarsimavoq tassalu nunarsuaq tamakkerlugu immap qaffasissusaanik 0,5 mm-imik qaffariaartitsilluni (paasissutissat boksimiittut takukkit).

Taamaasilluni ukioq 2015 annertussutsimik annaasaqarneq agguaqatigiisillugu pisarnermik 30 %-mik annikinneruffiuvoq 2003-miit ukiumut 250 Gt-ioqqatarluni (0,7 mm immap qaffasissusaanik). Soorlu Takussutissiaq 1-mi takuneqarsinnaasutut, 2012 rikoortiliiffiusimasoq sioqqullugu Kalaallit Nunaata sermersuanit annertussutsimik annaasaqarnermut assiguvoq, taamani sermersuup qaavaniit aassimasoq annertugaatsiarsimavoq, sermersuullu annertussusaanik annaasaqarneq immap 1,4 mm-mik qaffariaateqarneranik malitseqarluni.

Takussutissiaq 1-mi aamma takuneqarsinnaavoq, ukiumi minnerpaaffik naliginnaasumik septembariusarnera – ilaatigullu aggustimiusarluni. Tassa isumaqarpoq septembari aamma matumani aakkiartornermut aamma ilaasariaqartoq. Septembarimulli paasissutissat suli piareersimannigillat, kisistsisit matumani saqqummiunneqartut taamaasillutik aggustimiit aggustimoortuupput. Ukioq manna annertussutsimik annaasaqarsimanermut naatsorsorneqartut GRACE-miit naqtsinermut paasissutissanit tunngaveqarput, tassanilu ilaavoq septembarimi 2013/14-mi piffissami aakkiartoriusimasumi, illuatungaanili septembari amigaataavoq piffissami 2014/15-mi. Sulili takussutissaavoq ukiumi iluitsumi annaasaqarsimanerup tamakkiisup katillugu qanoq piffissami aakkiartorfimmi 2014/15-ip annertutigisimaneranut.

Siusinnerusukkut ukiup ilaagut nalunaarusiani sermersuup tamakkiisumik annertussusiata oqimaaqatigiinneranut nalilersuinerit marluk atorneqarsimapput. Siulleq tassaasimavoq GRACE-p qaammataasiartaanit naqtsinermik uuttuinerit. Aappaatut aallaavigineqarput GRACE-mit paasissutissat aammal seqerngup qinngornerisa utertinnejartarnerinit qaammataasiomit ketersorneqarsimasut MODIS-imeersut. Taamatulli ataatsimoortitsilluni periaaseqarneq apeqquserneqarsimavoq, taamaattumillu matumani ukioq manna ukiup ilaagut nalunaarusiami peqataatinneqarnani.



**Takussutissiaq 1.** GRACE-ip qaammataasiaannit sermersuup annertussusaanik annasaqarsimanermut uuttinerit DTU-Space-mit naatsorsorneqarsimasut. Tamakkiisumik annertussutsimik annasaqarsimaneq 2012 rikoortiliiffiusimasoq sioqqullugu annertussutsimik annasaqarnermut assiguvoq, taamani sermersuup qaavaniit aassimasoq annertugaatsiarsimavoq. Suli sermersuaq annertussutsminik annikilliartorpoq, kisianni piffissami 2012-misut ingasatsiginani.

#### Annertussutsimik annasaqarneq aamma immap qaffasissusaa

2002-miit GRACE atorlugu qaammataasianit nakkutiginninnerit takutippaat, Kalaallit Nunaanni sermersuup annertussutsiminik 250 Gt missaanik ukiumut annasaqartarsimanera ukiut qulikkuutaat sinnerlugit ingerlanerani. 1 Gt tassaavoq 1 milliard tons tassalu iminngorlugu 1 kubikkilomiiterisut annertutigaluni. 100 Gt-mik annertussutsimik annasaqarnerup assigiinnarpaa immap 0,28 mm-mik qaffariaateqarnera. Ukiumut 250 Gt-mik annertussutsimik annasaqarnerup taava assigiinnarpaa immap 0,7 mm-mik ukiumut qaffariaateqarnera, piffissamilu GRACE-mik uuttuiffiusimasumi (2002-mili) katillugu annertussutsimik annasaqarsimanerup assigiinnarpaa Kalaallit Nunaata immap 1 cm missaanik qaffariaateqarsimaneranut tapersiisimanera.

### Sermersuup qaavata oqimaaqtigiinna piffissami 1991-2013-mi agguqaqtigiisillugu inissisimanernit appasinneruvoq

Sermersuup qaavata annertussusaata oqimaaqtigiinna tassaavoq immikkut Sermersuup qaavata annertusiartornera aammalu aakkiartorneranik nassuaaneq. Nittaallat sialuillu Sermersuup annertussusaanik annertusaaqataasaqarput, aakkiartorneratalu Sermersuaq annikilliskiartortarlugu. Qulaanili tamakkiisumik annertussutsip oqimaaqtigiinna nalkunaarsuinerit nassuaneqarneranut sanilliullugu, taava sermersuup qaavata annertussusaanik nassuaasuuvooq – tassa imaapput, sermersuit

iluliansuarnik iigartartut imaanut kissartumut pigaagamik aattarneri ilanngunnagit. 1990-  
kkunnili sermersuup qaavata annertussusaata oqimaaqatigiinnera appariartorsimavoq.


Sermersuup annertussusaata oqimaaqatigiinnera nakkutigineqartarpoq toqqaannartumik  
uuttuinerit aammalu qarasaasiatigut pisuusaartitsinerit atorlugit.

Sermersuup aakkiartornera toqqaannartumik PROMICE-mi suliniut aqqutigalugu  
uuttortarneqartarpoq, 2015-milu uuttuisarfiit 19-t nunap immikkoortuini ataasiakkaani marluk  
pingasut tungaanut siammaqqasut atorlugit ingerlanneqarsimalluni (Takussutissiaq 2a).  
Uuttuisarfiit avannaata kitaatungaaniittut Pituffik (THU)-p eqqaaniittut 2011-2015-mi  
agguaqatigiisillugu aakkiartorsimanermit annertunerulaartumik uuttuisimapput,  
uuttuisarfinnili allani agguaqatigiisillugu aakkiartornerit nalunaarsorneqarsimasunut  
sanilliullugu appasinnerusimalluni (Takussutissiaq 2a). Tamanna pigaartumik ersarissimavoq  
kujataani aammalu kujataata kitaatungaani Qassimiut, Nuuk aamma Kangerlussuup eqqaanni  
uuttuisarfinni. Aakkiartorneq annerpaaq tassaasimavoq sermeq 5,1 m-isut annertussusilik,  
tamannalu uuttortarneqarsimalluni uuttuisarfimmi QAS\_L-imni Qassimiut eqqaanni. Tamanna  
annikinnerugaatsiarpoq 2010-mi rikoortiliilluni aakkiartorneqarmat 9,3 m-sut annertutigisumik  
aammalu 2001-2015 ingerlanerani agguaqatigiisillugu annertussusaanut, uuttuisarfimmi  
tassani 6,4 m-isimasumit.

DMI aamma ulluinnarni pisuusaartitsinerit ingerlattarpai, qanoq Sermersuarmiit  
annertutigisumik sermermik imaluunniit imermik pilersitsisarnersoq imaluunniit  
katersisarnersoq. Taamatut pisuusaartitsinerit atorlugit, siunnerfiliortoqarsinnaavoq qanoq  
sermersuup qaavata annertussusaanik oqimaaqatigiinnerup ineriertorsinnaaneranik  
(Takussutissiaq 2b aamma 2c). Piffissami 2015-mi juuni-miit agusti-mut aassimasoq 330 Gt-  
iusimavoq, ukiulli ingerlanerani tassa septembari 2014-miit agusti 2015-mut 220 Gt-imik  
sermersuup qaava ilasimavoq (nittaalat aakkiartornera ilanngunnagu). Tamanna pisarnermit  
appasinnerusimavoq tassa 290 Gt missaaniittarsimammat piffissami 1990-2013, kisianni tassa  
2012-mi rikoortiliisimanermit ungasialrungi 0 Gt-miissimammat.

Aakkiartornera kiisami aallartimmat, taava aannera assut sukkasuumik ingerlasimavoq. Tamma  
juuli-p qaammataata kianneranik ilaatigut peqquteqarpoq, pingaartumik Kalaallit Nunaata  
avannaani atugaasimavoq, kingumut aamma ukioq manna kiassutsip tungaatigut  
rikoortiliifiusimavoq. Tamanna Qaanaami pisimavoq, tassani juuli-p 8-ni 20,4°C-nik  
kiassimalluni. Ullut arfinillit ingerlanerani Sermersuup qaavanit 10 Gt-mik  
annikilleriaateqarsimavoq, sapaatip akunneratalu 5. juuli-miit 11. juuli-p tungaanut  
Sermersuup piffissap aakkiartorfiusartup tamakkiisup iluani aattartup 30 %-ia aassimavoq.  
Taamatut aamma assigusumik annertuumik aakkiartorneq kingumut pisimavoq juulip  
naajartornerani.

Uuttortaanerni aamma pisuusaartitsinerni pissutsit takutissimavaat annertuumik avannaani  
aakkiartorneq taavalu kujataanni annikinnerusumik aakkiartorneq. Tamanna  
sakkortusarneqarsimavoq, tamanna sioqqullugu ukiuunerani avannaani annikinnerusumik  
apisimanera kujataanilu annertunerusumik (ukiuunerani apinera agguaqatigiisillugu piffissami  
1991-2013-mi 20 Gt-mik ilassutaasarpooq). Inernerri Takussutissiaq 2-mi takuneqarsinnaapput  
sermersuup qaavata annertussusaata oqimaaqatigiinnerata pisarnermit kujataani  
annertuneruneratigut aammalu pisarnermit avannaata kitaani annikinneruneratigut.



#### Takussutissiaq 2.

- a)** Nunap assingata saamerliup takutippai, sumi Sermersuarmi 2015-mi aakkiartornerup annerusumik minnerusumilluunniit (procentikkuaarlugu) aakkiartorsimanera, piffissami 2011-2015-mi agguaqatigiisillugu inissisimasimanermut sanilliullugu. Aallaaviuvoq PROMICE-mit nunap immikkoortuini aakkiartornerup uuttortarneri: Kronprins Christian Land (KPC), Ittoqqortoormiit (SCO), Tasiilaq (TAS), Qassimiut (QAS), Nuuk (NUK), Kangerlussuaq (KAN), Upernivik (UPE) aamma Pituffik (THU).
- b)** Nunap assingata talerperliup takutippai, 1. Septembari 2014-miit 31. Aggutsti 2015 tungaanut naatsorsuinerit pisarnermit annerusumik minnerusumilluunniit annertussutsit piffissami 1990-2013-mut sanilliullugu.
- c)** Allermi talerpiup tugaani titarnerit sangujoraartut takutippaat sermersuup qaavata annertussusaanik naatsorsuinerit katinneri. Titarneq sangujoraartoq tungujortup takutippaa piffissaq 2014-2015, tassanilu takuneqarsinnaavoq piffissap naajartornerani naliginaasumik pissutsinik takutitsisup qasertup ataanut inissinnera, kisianni tamanna naliginaasumik pissutsit avataaniinnani 2012-misut (titarneq sangujoraartoq aappaluttoq).


#### Sermersuarmi seqerngup qinngornerisa utertinneqartarnerani uuttuinerit juuni-aggustimi 2000-2009-mi agguaqatigiisillugu inissisimanerit qaffasinnerupput

Ukiuni qulikkaartuni kingullerni GEUS-mi ilisimatusartut, MODIS-mit paassisutissat atorlugit, takuneqarsinnaasimavoq Sermersuarmi seqerngup qinngornerisa utertinneqartarneranni

naliginnaasumik appariaateqarsimanera, 2012 maannamut "aasaq taarnerpaasimavoq" piffissami juuni-aggusti ingerlanerani.

2015-mi agguaqatigiisillugu aasaanerani seqerngup qinngornerisa utertarneri 2000-2009-mi agguaqatigiisillugu annertussusaanut avaannaata kitaatungaani sermersuup qaavani appasinnerusimavoq. Juulimi kissassutsit qaffasissut nalunaarsorneqarsimapput aammalu pingartumik avannaata kitaatungaani aakkiartorneq annertusimalluni, tassani sermersupp qaava tamakkerlugu seqerngup qinngornerisa utertarneri 68,1 %-iusimapput, tassa imaappoq agguaqatigiisillugu aatsaat taama appasitsigisumik seqerngup qinngornerisa utertarnerini uuttuineq. Kisianni aasap ingerlanera tamaat isigissagaanni taava seqerngup qinngornerisa utertarneri qaffasigaatsiarsimapput. Tamanna ilaatigut peqquteqarsinnaavoq ukiuunerani aputeqagaatsiarsimanera aammalu siusissukkut aggutsimi apismanera.

Taama juuli-mi seqerngup qinngornerisa utertarnerinut appasisumik inissismaneri peqquteqarput sakkortuumik aakkiartornerup ingerlasimanera, imminut sakkortusaannartumik: Seqerngup qinngornerisa utertarneri appasikkaagata, taava seqerngup kissarneranik tigooraaneq annertusisarpoq, aakkiartorneq sukkatsittarluni. Aakkiartornerullu aamma malitsigisarlugu seqerngup qinngornerisa utertarnerata suli annikinneruleriartorneranik. Taamatut ataqtigiiittorneqarnera aamma takuneqarsinnaavoq Takussutissiaq 2-mi aamma 3-mi. Taakku takutippaat avannaata kitaani sermersuup qaavata annertussusaata oqimaaqatigiinnersa appasissoq aamma seqerngup qinngornerisa utertarneri aammalu kujataata kitaani sermersuup qaavata annertussusaata oqimaaqatigiinnersa seqerngullu qinngornerisa utertarneri qaffasissut.



**Takussutissiaq 3.** Nunap assigata takutippai seqerngup qinngornerisa utertarneri procent-inngorlugit nikerarneri MODIS atorlugu juuni-aggusti 2015-mi uuttuinerit. Seqerngup qinngornerisa utertarneri Kalaallit Nunaata avannataata kitaani agguaqatigiisillugu inissismanermit appasinnerunera, Kalaallit Nunaata kujataata kitaanut qaffasinnerunera.

## **Sermersuit iigartartut annikinnerusumik milleriaateqarsimapput 1999-2010-mi agguaqatigiisillugu milleriaataasarsimasunut naleqqiullugu**

GEUS-imi ilisimatusartut qaammataasaniit immiussat misissorsimavai Kalaallit Nunaanni sermersuit imaanut iigartartut 200-sut akornanni annerpaat 45. Piffissami 1999-2010-mi agguaqatigiisillugu sermersuit taakku iigartartut 2014-p qeqqaniit 2015-p qeqqata tungaanut annikinnerusumik annikilleriaateqarsimapput. Taakku sermersuit iigartartut 45-t taamasillutit annikilleriaatigisimavaat  $16,2 \text{ km}^2$ -it, naak agguaqatigiisillugu 1999-2010-mi annilleriaat  $119,6 \text{ km}^2$ -isimasoq. Taakku sermersuit iigartartut 45-t affai sinnilaarlugit angissutsimigut annikilleriarsimapput, illuatungaanili sermersuit iigartartut 11-t angissutsimigut annertuseriarsimallutik.

Taama appasitsigisumik angissutsikkut annaasaqarsimaneq malittariaamik ukiut siuliini marlunni  $27,6 \text{ km}^2$ -isimapput 2012/13 aammalu  $25,9 \text{ km}^2$ -isimallutik 2013/14-mi.

Taakkununnga nassuaatissaq tassaavoq Petermann-gletsjeren-ip angissutsimigut alleriaatigisimammagu  $11,8 \text{ km}^2$ -it 2014/15-mi taavalu aamma Kangerdlugssuaq-gletsjeren-i  $1,7 \text{ km}^2$ -imik siuariarsimalluni taamaasillunilu annertussutsimigut  $10,1 \text{ km}^2$ -imik annertuseriarsimalluni. Allat sermersuit iigartartut soorlu Ryder, Zachariae aamma Hayes aamma annertussutsimikkut alleriaateqarsimapput  $4,7 \text{ km}^2$ -imik,  $3,1 \text{ km}^2$ -mik  $1,9 \text{ km}^2$ -millu. Sermersuit iigartarni tunuariaatit annerpaat sermersuarni iigartartuni torstrømmen, Humboldt, Upernivik B aamma Helheim-imi pisimapput, annikilleriaatigisimallugit  $14,3 \text{ km}^2$ -mik,  $5,3 \text{ km}^2$ -mik,  $4,2 \text{ km}^2$ -mik aamma  $3,0 \text{ km}^2$ -millu. Immikuullarissumik iigarnermik annertuumik – imaluunniit malittariaartunik iigarnerit – pisimapput ulluni 14. agustimiit 16. aggutstip tungaanut, tamannalu pisimavoq Ilulissat Kangiata Sermiata isuani pisimavoq  $6 \text{ km}^2$ -isut annertutigisumi.

## **Immap sikua saannerulersimavoq 1979-imili siammasissusaa appasinnerpaat sisamaattut inissisimavoq**

Immap sikua nakkutigigaanni, taava issussusaa aamma siammasissusaa soqtisassaavoq. Taamaattumik ukioq mannamiiit Polar Portal-imi takutinneqarpoq qanoq Issittumi ullormut sikup issussusaanik periuseqarluni pisuusaartitsineq ingerlanneqartarnersoq.

Sikup issussusaa pingaaruteqarpoq, takussutissisarmat qanoq immap sikua mattutiginersoq, aammalu ima issutiginersoq aallaat aasaanerani aakkiartortarnermi aniguisinnaalluni. Tassami siku issunerungaagat, taava aamma ataasiakkutaani aasakkut kissartuni aammalu anorinik immikuullarisunit sunnerneqarsinnaassusianut attuumassuteqartarmat. Siku peerutereersimangaagat, taava aamma ajornarnerulertarpoq utersaarnissaa taamaasillunilu aamma issussutsitoqqaminut peqqinnissaa.

Qaammataasanik aammalu kisitseriaatsinik ineriertortitsisoqalernikuuvvoq sikup issussusianik aaliangersaasinnaasumik, kisianni suli sikunut miiterikkuutaanik issussussusilinnut uuttortaanerit inernerisinnaasai nalorninaateqarsinnaapput. Periarfissatut allatut Polarportal-imit atorneqartartoq tassaavoq DMI-p imartanik sikunillu uuttortaaviisa (HYCOM/CICE) atorneqarsinnaaneri issussutsimik aamma katillugu annertussutsimut uuttuinermut.


Issittumi katillugu sikup annertuseriarsimavoq, rikoortiliiffiusumik aasaanerani 2012-mi minnerpaaffissamininneraniit. Immikkut isigniassagaanni tamanna immap sikusarnerani pitsaasuuvoq. Immap sikuata annertussusaa suli agguaqatigiisillugu 00-kkunni inissisimaffigisimasaanut appasinneruvoq. Naak siku aalajaassutsimigut aamma mattussutsimigut pitsanngoriartoqqikkaluartoq, taamaattoq ullumi suli aasaanerani

immikkuullarissunik kissassutsinut anorinullu malussarsinnaasia qangatut inissisimanngilaq.

HYCOM/CICE-mi periaatsit atorlugit sikup annertussusaata minnerpaaffia 2015-p aasaanerani anguneqarsimavoq, tamannalu 2011-mi annikissusiattut annertussuseqarluni. Taamaasilluni 2015 tassaalerpoq 2004-mili siammasissutsimikkut appasinnerpaat sisamaattut inissilluni. Taamatut periaatsimik sikup issussusaanik uuttortaanerup ersersippaa Kalaallit Nunaata avannaata sineriaani saannerulersimasoq aammalu assiganik canadarmiut imaani qeqertarpassualinni, tassaapput ukiup siulanut naleqqiullugu allaassutaanerpaaq.

### **Immap sikuata issussusaanik nalunaarsuineq suli nalorninaatitaqarpoq**


Immap sikuata issussusia tooqqaannartumik uuttorneqarsinnaanngilaq, soorlu sikup siammasissusiata uuttorsinnaaneqarsinnaaneratuut. Taamaattumik immap sikuata issussusia nalilersorneqaraagat naliginnaasumik periaatsit atorlugit naatsorsorneqartarmata, suli nalorninaateqarsinnaaneri. Nalunaarsuinerit assigiinngitsut taamaasillutit assigiinngitsunik takussutissiisinjaasarpuit. DMI-imili periaatsip takutippaa appasinnerpaat sisamaattut inissisimasoq, illuatungaanili periaatsip allap, Arctic Ice Ocean Modeling and Assimilation System (PIOMAS) takutissimavaa ukioq manna sikup annertussusaata annikinnerpaaffianiilluni 1979-mili naatsorsuisalersimanermit appasinnerpaat tallimaattut appasitsigisumik inissisimammat. Appasinnerpaat tassaasimapput ukiut 2010-miit 2013-mut.



**Takussutissiaq 4.** Tamakkiisumik Issittumi Immap sikuata annertussusaanut takussutissat nunarsuup avannaani 2011-miit DMI-p Imartat immamilu sikumik ullormut nakkutilliinermi periaaseq (HYCOM/CICE) atorlugu ingerlanneqarsimasut.

Siammasissusaa eqqarsaatigissagaanni, taava Issittumi immap sikua 2015-mi annikilleriarsimavoq sikup annertussusaata annikinnerpaaffiata sisamaattut inissilluni, 1978-mili qaammataasat atorlugit uuttortaanerit allartinneqarmata. Ukiut quligiluat appasinnerpaamik sikup siammasissuseqarsimaneri, tassaalerput ukiut kingulliit quligiluat.

Sikup siammasissusia ukioq manna ukiuni kingullerni 37-ni takussaalersimasunut attuumalluinnarpooq: Issittumi immap sikuata kingusinnerusukkut takkuttalernera, siusinnerusukkut aattalernera, aasaaneranilu siammasissusia siornatigornut appasinnerpaaffissamut appasinnerpaalersimavoq. Taamatut takussaasoqalersimanera Issittumi sumiiffinni tamani atugaalersimasut oqaatigineqarsinnavoq. Tamatumap kingunerivaa, immap sikuneqarani ullui amerlatsissimasut. Barents-ip imartaani maannakkut piffissaq immap sikusanngiffia ass. qaammatit pingasunik sivisunerulersimavoq 1980-kkut aallartilaarneranut naleqqiullugu, Baffin-illu kangerliumanerani qaammammik ataatsimik sivisunerulersimalluni. Nordøstpassage (imaatigut Atlantikup imartaata Manerassuullu akornanni Amerika-p avannaani imaatigut aqqut) ukioq manna ammavoq, naak aqutissaq itisooq M'Clure-p Ikerassua ilaatigut suli sikumik qalleqqagaluartoq.



**Takussutissiaq 5.** Ullormut takussutissiat 2011-miit tamakkiisumik immap sikuata angissusia nunarsuup avannaani.